

Inatsisartut suleriaasianni § 37 naapertorlugu Naalakkersuisunut apeqqutit matumuuna imaattut saqqummiuppakka:

Apeqqutit:

- 1. Ilaqutariit, meeqqanut angerlarsimaffiup avataanut inissinneqarsimasunut paarsisartut aningaasarsiatigut atugassarititaat meeqqamut ataatsimut qanoq annertutigaa?**
- 2. Aningaasatigut atugassarititaasut saniatigut tapiissutigineqarsinnaasut suuppat?**
- 3. Meeqqat ilaqutariinnut inissinneqarsimasut meeqqanut tapisiassaat (A-bidrag) meeraq malillugu ilaqutariinnut inissinneqarfiannut tutsinneqartarpat? Imaluunniit qanoq?**

(Inatsisartuni ilaasortaq Vivian Motzfeldt, Siumut)

Tunngavilersuut:

Ilaqutariit meeqqanut angerlarsimaffiup avataannut inissinneqartariaqartunut paarsisartut aningaasatigut atugassarititaat meeqqanut angerlarsimaffiup avataanut immikkut paaqqinniffiusunut (døgninstitutioner) inissinneqartunut sanilliullugu aningaasartuutigineqarneri nikingasorujussuupput.

Ilaqutariit meerartatsinnik immikkut pisariaqartitsisunik paarsiumallutik pilliuteqartartut, qujanartumik amerlapput tamannalu qujassutissaavoq annertoq. Taamaakkaluartorli aningaasat ilaqutariinnut tutsinneqartartut suliap oqimaassusaannut naapertuutinningsorujussuusoq paasinarpoq.

Ilaqutariit inuuniarnitsinni unammillernartunut kivitseqataajumasut, siunissami pitsaasunik atugasartinnissaat suliamullu naappertuuttumik aamma aningaasatigut atugaqartinnissaat pingaarpoq.

Paasitinneqarnera naapertorlugu meeqqat angerlarsimaffiup avataanut ilaqutariinnut inissinneqarsimasut, meeqqanut tapisiassaat malinnaatinneqarneq ajorpoq, taamaattoqarsimassappallu tamatumunnga suna tunngavilersuutigineqarsimanersoq assorsuaq paaserusunnarpoq.

Kissaatigaara apeqquteqaatima ullut suliffiusut qulit iluanni akineqarnissaat